



Inatsisartunut ilaasortaq Napaartoq Isak Petrussen, Demokraatit
inatsisartut@inatsisartut.gl

Biilit unittarfii pillugit § 37 naapertorlugu apeqquteqaammut 2026-059-imut akissut

Dato: 22-04-2026
Sagsnr.: 2026 - 7585
ID. nr.: 80893992

Asasara Napaartoq Isak Petrussen

Inatsisartut suleriaasianni § 37 naapertorlugu biilit unittarfii pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Nuummi, Ilulissani aamma Qaqortumi mittarfittaarsuit eqqaanni biilit unittarfiini akiliuteqartalernissamik Naalakkersuisut pilersaaruteqarnerlutik?

Akissut: Naalakkersuisut paasissutissiissutigisinnaavaat Nuummi, Ilulissani, Qaqortumilu mittarfittaat Greenland Airports A/S-imit pigineqarlutillu ingerlanneqarmata, ingerlatseqatigiiffiullu ingerlatsineranut pingaarnertut sinaakkutit iluini sullissinissat, matumani biilit unittarfii ilanngullugit aqqissuunneqarnissaannut aalajangiisarluni. Taassuma saniatigut parkeringsskivit eqqaassanngikkaanni biilini inissiinermi akiliuteqarnissamut malittarisassiuussisumik inatsiseqanngilaq. Imaappoq, biilinit inissiivimmi Greenland Airports A/S-imut nunaminertamik atugassiisutigineqarsimasumut, pilersissimasaannut, ingerlataanullu Greenland Airports A/S akiliuteqartitsissalluni aalajangiisinnaasoq.

Apeqqut 1a. Biilit unittarfiini akitsuutinik eqqussisoqassappat, biilit unittarfiini ingerlatsineq nakkutilliinerlu Naalakkersuisunit sunik eqqarsaatersuuteqarfiuppat, tassani pineqarlutik suliassat tamanut sulisussarsiuunneqarnissaat?

Akissut: Biilit unittarfiinik hammapeq pigineqartunik ingerlatsinissamik, nakkutiginninnissamillu aqqissuussinissamik aalajangiinerit, matumani aamma tamanut neqeroortitsissutigineqassappata tamanna ilanngullugu, ingerlatsisumit nunaminertamik atugassinneqarsimasumit, taamaalilluni biilinit unittarfimmik pineqartumik ingerlatsinermi aningaasatigut, suliassatigullu akisussaasumit aalajangiiffigineqassapput. Tamatuma saniatigut aqqissuusseriaatsimik toqqaaneq ilaavoq, matuma ilanngullugu suliassat hammapeq isumagineqassanersut imaluunniit tamakkiisumik imaluunniit ilaannakortumik suliariumannittussarsiuunneqassanersut.

Apeqquut 1b. Periarfissat suut Naalackersuisunit nalilersorneqarpat, nunaqavissut aallartisaasut mittarfiit nutaat eqqaanni biilnut unittarfinnik pilersitsinermut, aserfallatsaaliinermut imaluunniit ingerlanneqarneranut neqeroorsinnaanerannut?

Akissut: Apeqquut 1-imut aamma 1a-mut akissutit takukkit.

Apeqquut 2. Akisussaaffik qanoq agguataaarneqarpa ullumikkut Nuuk Center-ip biilnut naqqup iluani unittarfiani uninnganissamut nakkutilliinermut malittarisassallu malinneqarnersut nakkutiginerinut, tassani 30 minutsini uninngasinnaatitaanerup malinneqarneranut tunngatillugu?

Akissut: Biilnut unittarfimmi malittarisassanik aalajangersaanissamut, nakkutiginninnissamut, atortitsinissamullu, matuma aamma killilimmik piffissaliineq ilanngullugu, biilnut unittarfimmik pineqartumik piginnittup akisussaaffigaa.

Apeqquut 3. Naalackersuisut sunik eqqarsaatersuuteqarpa allani angallassinermut-aamma attaveqaasersuutinut aaqquissuussani atuineranut akiliisitsisarnissamik eqqussisinnaanissamut?

Akissut: Assartuussinerup, attaveqaasersuutinullu suliaasaqarfiup iluani immikkoortuni allani atuisunut akiliuteqartitsisoqartarpoq. Timmisartumi ilaasut mittarfimmut akitsuutinik, mittarfimmik ingerlatsinerup aningaasalersorneqarnissaanut tapertaasumik akiliisarput. Assinganik Nuummi, Sikuki Nuuk Harbour A/S-imi umiarsualivimmi atugassarititaasunik atuisut umiarsualivimmik atuinerminnut assinganik akiliuteqartarput.

Atuisunut akiliuteqartitsisarnermi ingerlatsinermut, aserfallatsaaliuinerullu aningaasartuutit tamakkiisumik imaluunniit ilaannakortumik atuisunit, attaveqaasersuummik pineqartumik atuisunit aningaasalersorneqartarput. Attaveqaasersuummik ingerlatsinerup, aserfallatsaaliuinerullu ataavartumik aningaasalersornissaasa qulakkeerneqarnissaanut atuisunut akiliuteqartitsisarneq pisut ilaanni naleqquttarpoq. Pisut ilaanni suliat, aningaasaqarneq imaluunniit agguataarinissamik politikkit patsisaallutik, atuisunut akiliuteqartitsisarnissaq naleqqutissanngilaq. Tamanna pillugu pisortat attaveqaasersuutaannik atuisunut akiliuteqartitsisarnissaq naleqqutissanersoq pisut ataasiakkaani nalilersugassaassaq.

Apeqquut 4. Naalackersuisut oqaluuserisamut soqutiginaatilinnik allanik paasissutissiisinnaanerlutik?

Akissut: Naamik.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga


Iddimangiu Jensen Bianco